



庶物異名疏卷二十八目錄

鱗介部

建邪

紫藟

解隄寇

茲夷

水唐

漸離

敷

屬

左介

堪苻

銀刀

玉板

忽雷

水梭

摩竭

當互

吉玉

玄夫

越玉

移角

之而

陽遂足

吉弔

木僕

空奪

尺木

係臂

虾江

擔羅 博帶 娘螳 朱螿

聃聽 古賁 石雲慈 海扇

瓊琚 寄居 姬隅 水君

含漿 琵琶 海月 石矩

肥遺 鎖管 水厭 陽橋

儵鉢 長啣 擁劍 步桀

竭朴 沙裏狗 招潮 撥棹子

單奴 弩弦 率然 海蠻師

石勃卒 吹沙 沙丸 神守

建同 浮胡 益蘭 椒圖

黑螻 魁陸 密丁 方諸

朗晃 空豸 泥星 黑隘

塗釵 騏驎竭 邱邱

庶物異名疏卷二十八

樛李陳懋仁無功著

鱗介部

建邪

酉陽雜俎分鱗生蛟龍蛟龍生鯢鯁鯢鯁生建邪建邪生庶魚

紫蘆

紫蘆螺也荀子曰東海有紫絃魚鹽絃當作蚘江淹石蚌賦又名紫蘆得春雨則生華所謂石

蛙應節而揚葩是也謝朓詩紫蘂擘春流本草  
謂之石決明續博物志石決明一名九孔螺陶  
隱居云是鰓魚甲大者如手明耀五色內亦含  
珠草木子謂生于崖石上海人乘其不知一撈  
則得使其知覺雖斧鑿不脫矣郭璞石決明贊  
曰鰓句似蛤無鱗有殼一面附石叶音錯細孔  
雜雜或七或八楊用修紫蛙贊曰蘭陵紫蛙江  
淹紫蘂是惟蚌類發華應春

### 解隄寇

周書王會揚州禺禺魚名解隄寇說文鰓皮有  
支出樂浪東曉移神爵四年初捕輸考工周成  
王時揚州獻鰓

### 茲夷

嶺表錄異嶙嶸俗謂之茲夷人立其背可負而  
行產潮循山中鄉人採之取殼要全須以木楔  
出肉吼如牛聲響應山谷廣州巧匠取其甲黃  
明無日脚者甲上有散黑暈為日脚煑而拍之陷玳瑁花

以為梳篋杯器之屬萬曆初官員有作腰帶曰

玳瑁帶甚佳今絕亡矣

### 水唐

水經注疎水中有物如三四歲小兒鱗甲如鯨鯉射不可入好在磧上自曝膝頭似虎掌爪常沒入水中出膝頭小兒不知欲取弄戲便殺人有生得者摘其臯厭可以小使名爲水唐也

### 漸離

漸離魚名鮠鱗漸見上林賦

### 敷

### 屬

魏武四時食志鮠鮠黑色大如百斤猪黃肥不可食一名敷說文江豚一名鱒鮠逢風則涌一名鮠魚一名奔鮠酉陽雜俎奔鮠一名蜀非魚非鮠大者如船色如鮎有兩乳在腹下雌雄陰陽類人取其子着岸上聲如小兒啼頂上有孔通頭氣出赫赫作聲出必大風本草拾遺云其子如蠡魚子隨母行人取子繫水中其母自來就而取之

### 左介

爾雅東方有魚不比不行其名謂之鰈狀如牛  
脾細鱗紫色一面一目兩片相合乃行南越志  
謂之板魚亦曰左介郭璞贊比目之鱗別號王  
餘雖有兩片其實一魚協不能密離不能疎

堪孖

堪孖音慎魚名見山海經郭璞贊見則洪水

銀刀

銀刀魚也杜詩出網銀刀亂

玉板

玉板黃魚言肉色也

忽雷

洽聞志鱈魚別號忽雷熊能制之握其嘴至岸  
裂擘食之一名骨雷秋化爲虎三爪一說鹿聞  
鱈吼必怖懼落崖爲鱈所得鱈之威大矣然又  
有握其嘴者焉

水梭

東坡志林僧謂魚爲水梭也

摩竭

庶物異名疏 卷廿八鱗介部

翻譯各義云摩竭或摩伽羅此云鯨魚

當互

當互鱗也見說文爾雅注似鱗而大鱗肥美硬骨江東呼最大曰當鮓

吉玉

玄夫

吉玉大龜也見尸子古今注龜一名元緒孟郊詩再拜謝玄夫東坡詩獨見玄夫曝日時皆謂龜也龜純雌無雄與蛇交而生子龜甲名神屋見南越志

越玉

越玉形似蜃殼赤尾如有人爪見臨海水土物志

移角

臨海水土物志移角似車螯角移不正故曰移角

之而

說櫪云考工記深其爪出其目作其麟之而之而頰之髭鬣也半山押而字采鯨抗波濤風作



鱗之而奇絕

陽遂足

陽遂足見臨海水土物志此物形狀背青黑腹下黃白有五足長短大小皆等不知頭尾所在生時體軟死卽乾脆

吉弔

楊升庵云龍生三卵一爲吉弔上岸與鹿交或在水邊遺精流槎粘裹浮木枝如蒲桃焉號紫稍花道樞所謂龍鹽有益惟薄者也

木僕

木僕尾若龜長數寸居木上食人見酉陽雜俎

空奪

空奪見山海經郭璞云卽蛇被脫也

尺木

獻帝春秋龍欲騰翥先階尺木酉陽雜俎云龍頭上有一物博山形各尺木龍無尺木則不能昇天

係臂

係臂如龜生于海洲欲先捕之必祭必求求而  
不信者風波覆舟見楊孚嶺南異物志

虾江

流 江似蟹而小有十二脚見江賦注

擔羅

擔羅蛤類生新羅國見本草拾遺

博帶

蝦螳

博帶蟹之雌者雄曰蝦螳見廣雅

朱蟹

朱蟹見呂覽澧水之魚六足有珠魚之美者郭  
璞贊曰澧水之魚形如浮肺體兼三才以貨賈  
害厥用既多何以自衛

聒聽

聒聽似蜥蜴居樹上下即齧人上樹垂頭聞哭  
聲乃去見字林

古賁

石雲慈

古賁牡蠣也見異物志陶隱居云道家方以左  
顧為雄故名牡蠣右顧是牝蠣也或以頭尖為

左顧陳藏器云天生萬物皆有牝牡惟是鹹水  
結成塊然不動陰陽之道何從而生經言牡者  
應是雄耳宗奭云本經不言左顧止從陶說而  
段成式亦云牡蠣非雄也且如牡丹豈有牝丹  
乎此物無目更何顧盼仁官泉南見之俗呼曰  
蠓洛陽橋下多壘石鹹淡水相觸而成麗于石  
上肉各爲房割房取肉故曰蠣房南州志蠣房  
贊曰海曲蠣房或名蠓山眉渠磊柯牝牡異斑  
肉曰蠣黃醃味海蠻按此則誠有牝蠣以斑別

矣石藥爾雅云牡蠣一名石雲慈

### 海扇

海扇海中甲物也其形如扇文如屋瓦一名車  
渠作杯盛酒過滿不溢霏雪錄云

### 瓊瑁

瓊瑁見南越志長寸餘大者二二三寸腹有蟹如  
榆莢合體共生蟹爲瑁出取食嶺表錄異云海  
鏡兩片合以成形殼圓中甚瑩白內有少肉如  
蚌胎腹中有紅蟹子小如黃豆而螯足具備海

鏡饑則蟹出拾食蟹飽歸腹海鏡亦飽或迫之以火則蟹子走出離腸腹立斃或生剖之蟹子活在腹中逡巡亦斃一各瓌瑯郭璞賦瑣瑯腹蟹水母目鰕述異記名筋狀如前

### 寄居

陶隱居曰海邊有物似蝸牛有殼以火炙之便出走食之益顏色名曰寄居草木子曰寄居一名寄生如蝸牛而大一頭螺蛤也小蟹在殼內常侯螺開出食螺欲合遽入殼中

### 媼隅

世說新語郝隆作南蠻叅軍有詩云媼隅躍清池蠻語謂魚爲媼隅也

### 水君

水君見古今注狀如人乘馬衆魚皆導從之一名魚伯大小乃有之漢末有人於河際見之

### 含漿

含漿蚌也見爾雅疏周禮謂之貍物

### 琵琶

酉陽雜俎海魚千歲名劍魚一名琵琶魚形似  
而善鳴臨海異物志琵琶魚無鱗異魚贊曰海  
魚無鱗形類琵琶一名樂魚其名亦嘉聞音出  
聽曾識瓠巴

### 海月

海月按禽經謂三十足江賦注大如鏡白色正  
圓其柱如搔頭肉黑大如小兒臂中有腹多口  
無目陳藏器云蛤類似半月水沫所化煮時猶  
變爲水劉恂云其甲美如玉彙苑一名膏葉葉

盤又名江瑤東坡有傳萬震贊曰江瑤柱厥甲  
美如瑤玉肉柱膚寸名江瑤柱

### 石矩

石矩亦章舉之類身小而足長又有小者兩足  
如帶曝乾後似射踏子故南中呼爲射踏子也  
見嶺表錄

### 肥遺

肥遺蛇名六足四翼見則天下大旱又渾夕之  
山蛇亦名肥遺一首兩身俱見山海經一曰肥

遺有角蛇角上有火見則大旱郭璞贊肥遺爲物與災合契鼓翼陽山以表亢厲桑林旣禱倏忽潛逝有鳥亦名肥遺見羽部

### 鎖管

鎖管似烏賊而小色紫見泉郡志又按興化府志云此魚大如指其身圓直如鎖管其首有薄骨插入管中如鎖鬚亦有墨有黃或結子如白飯煮熟其白如玉笋其味甘脆或醃食之宜薦酒宣德中嘗入貢或謂之淨瓶魚

### 水厭

水厭見本草注道家以鱧魚爲水厭王融紫鮮啓稱水盞養魚經稱魚爲水畜

### 陽橋

### 儵鉢

說苑扱綸錯餌迎而吸之者陽橋其爲魚薄而不美荀子曰儵鉢者浮陽之魚也疑卽所謂陽橋也

### 長啣

### 擁劍

### 步桀

### 竭朴

長啣步桀竭朴俱蟹屬古今注彭蜺小蟹一名

長啣其有一螯偏大者各擁劔一名執火其螯  
赤圖經本草蝤蛄一名蝤隨潮退殼一退一長  
兩螯如手其力至強八月能與虎鬪鬪不如也  
擁劔一名步桀以大螯鬪小螯食物臨海異物  
志竭朴大彭蠡也殼黑斑有文章螯正赤常以  
大螯障目小螯取食嶺表錄異云竭朴以大螯  
捉食小螯分自食一物而各說不同摘以並覽

沙裏狗

沙裏狗藏穴最深殼軟而肥穴淺者則殼碩而

瘦便成彭蠡矣姚叔祥云

招潮

撥棹子

招潮子蟹之小者見海物異名記舉螯望潮一  
名望潮異魚贊曰蟹有招潮遡月而翹背向不  
失與潮相招蠱物有知云誰之教嶺南以蟹爲  
撥棹子以後脚如棹也

單奴

爾雅注俗呼小魚爲單奴

弩弦

弩絃卽軹首蛇名岐頭蛇也以形相似而名之  
率然

率然兩頭蛇孫子兵法曰率然一身而兩頭擊  
其一頭則一頭至擊其中則首尾首尾疑是兩頭俱至  
蓋喻兵勢也神異經云頭尾差大有色五彩會  
稽常山多此蛇

海蠻師

夢溪筆談海洲漁人獲一物魚身而首如虎亦  
作虎支有兩短足在肩指爪皆虎也長八九尺

視人輒淚下數日方死父老云昔曾見之謂之  
海蠻師

石勃卒

雨航雜記石勃卒形短圓三寸長四寸身赤腹  
泡急其形勃卒故名一名來魚或曰石屑入水  
所化

吹沙

吹沙長三寸許背上有刺螫人草木魚蟲疏云  
魚狹而小嘗口吹沙故曰吹沙



酉陽雜俎數丸形似彭蜺竟取土各作丸丸數  
三百而潮至一曰沙丸

神守

養魚經云魚滿三百六十則龍爲之長引飛出  
水內鼈則魚不復去故鼈一名神守鼈無耳而  
神守故埤雅云眼聽按蛇亦眼聽

建同

建同魚也裔乘云真臘產建同鼻如象四足吸

水上噴高五六十丈

浮胡

浮胡魚也裔乘云真臘產浮胡形如鸚鵡八足

益蘭

益蘭蛇也元史益蘭州注益蘭蛇之稱也初州  
境山居人見一巨蛇長數十步從穴中出飲河  
腥聞數里因以爲名

椒圖

楊升庵云龍生九子各有所好椒圖其形似螺

螭性好閉故立於門上詞曲門迎駟馬車戶列  
八椒圖人皆不能曉今觀椒圖之名亦有出也  
見菽園雜記仁又按尸子云法螺蚌而閉戶後  
漢書禮儀志殷以水德王故以螺着門戶則椒  
圖之形有所由也前不引此故著以明之

### 黑蜮

淮南子犧牛駢毛宜於特其於致雨不若黑蜮  
又曰黑蜮神虬潛淵而居將雨則躍

### 魁陸

密丁

爾雅注魁陸狀如海蛤圓而厚外有縱橫卽今  
之蚶也邢昺疏魁蛤一名魁陸生東海正圓兩  
頭空表有文陶隱居注形似紡軋小狹長外有  
縱橫文理云是老蝙蝠化爲者是也海物異名  
記密丁魁蛤之子也

### 方諸

方諸大蛤也一名陰燧淮南子方諸見月則津  
而爲水摩拭令熱向皎月下則生數滴一曰銅  
盤受之下數石

朗晃

朗晃蛤蜊類但形厚而脣黑耳此物食沙故肉多沙見興化府志

空豸

泥星

興化府志云空豸俗呼空大又云泥星其殼極薄其肉極輕虛如水沫

黑隘

湧幢小品云金山神魚每歲廟神誕日有魚名黑隘大者如山羣引海族來朝率午方退

塗釵

嶺表錄異沙筋生海岸沙中春時吐苗其心苦骨白且勁可爲酒籌俗呼塗釵

騏驎竭

石藥爾雅鰾膠一名騏驎竭

卹卹

周書王會曰成王時封人獻卹卹若龜而喙長

庶物異名疏卷二十九目錄

蟲豸部

飛拾

商距

馬軸

齒疣

不過

研父

胸臆

附引

天柱

玄駒

丹戩

伊威

脩辟

長畸

蓬活

避役

聖齊

勃齊

復育

斯彌

食醯

頤輅

九猷

黃輓

腐蠶

務芮

青寧

蜀

強

勝髮

晏清

元青

地膽

葛上亭長

活師

活東

懸鈎

雲師

雨虎

僕纍

胥

撻末

砂接

鈎注

斨

螻惹

白宿

諸乘

胡離

疋

惡颯

旁不肯

留師

朝菌

紺幡

益符

白萍

死水

孑孑

海舌

范

服翼

雒巾

戚施

扁前

蒲錯

黍民

常羊

郎巾

壓油

蜚沙

春箕

渠畧

顛當

度古

濡需

抱槍

拘掇

杜伯

馮功

匣

巨擘

嬰媿

土宿

駱各

羅义

闌胡

彈塗

守宮

射工

泥

沙噀

庶物異名疏卷二十九

商距 馬軸

距馬蚊也百足莊子曰使蚊負山商距馳河

勢不能也方言百足蚊之大者名馬陸通志百

足蟲名馬軸

庶物異名疏

卷二十九

蟲豸部

飛拾

庶物異名疏卷二十九

檇李陳懋仁無功著

蟲豸部

飛拾

隨巢子夷羊在牧飛拾滿野飛拾蟲也

商距 馬軸

距馬蚊也百足莊子曰使蚊負山商距馳河

勢不能也方言百足蚊之大者名馬陸通志百

足蟲名馬軸

庶物異名疏 卷二十九 蟲豸部

齧疣

不過

研父

高誘呂覽解螳螂一名天馬一名齧疣兗州謂之拒斧說文云螳螂不過也一名螞蟻一名研父爾雅不過螞蟻其子蟬蛸捕蟬而食執木葉以自蔽將去而未飛為之一前一却莊子云執翳而搏之見得而忘形謂是也

胸臆

附引

爾雅螞蟻蚯蚓巴人謂之胸臆音蠢潤皆方音之轉也吳氏本草蚯蚓一名白頸螞蟻一名附引

天柱

天柱螭螂也見說文丹鉛錄載衝波傳螭螂無鼻而聞香

玄駒

玄駒蟻也大戴禮十二月玄駒賁賁者走于地下也埤雅云蟻有君臣之義故字从義喜羣鬪鬪輒酣戰不解有行伍隊列化書曰螻蟻之有君也一拳之宮與衆處之一粒之食與衆畜之一罪無疑與衆戮之禮記注得時則蟻行透遲

有序需有不速君子得時其廉於進如此

### 丹戩

丹戩一名飛龍生蜀都如鼠負青股蜚頭赤七月七日採主心腹積血見本草

### 伊威

伊威鼠婦也室不掃則有之爾雅云伊威委黍此濕生蟲多足色如蚓背有橫文蹙起長三四分

### 脩辟

山海經贊脩辟似鼯厥鳴如鴟

### 長跖

陸璣云蠨蛸長跖一名長脚荊州河內人謂之喜毋此蟲來着人衣當有親客至有喜也幽州人謂之親客亦如蜘蛛爲羅網居之是也

### 蓬活

淮南萬畢術沙虱一名蓬活一名地肺本草經沙虱一名石蠶抱朴子云沙虱雨後及晨暮踐沙必着人如毛端初着人便入皮裏可以針挑



取之色正赤如丹着人止動如不挑便行入身  
中殺人行此蟲之地每還轍當以火自灰令徧  
則蟲隨火去也水陸皆有之余按此蟲南中瘴  
癘地益有

避役

酉陽雜俎南中名避役一名十二辰蟲狀似蛇  
醫脚長色青赤肉鬣者月時見之籬壁間俗云  
見者多稱意事其首倏忽更變爲十二辰狀

聖齊

勃齊

名物疏螿螿一名聖齊一名勃齊莊子云鳥足  
根所化淮南忝成論衡云螿螿化爲復育復育  
轉而爲蟬博物志云以背行駛便於用足者也  
復育

論衡蟬之生復育也闔背而出酉陽雜俎云蟬  
未蛻時名復育相傳蝓蛻所化冬中附於樹根  
朽處蓋蟬朽木所化也剖腹中有朽木

斯彌

食醯

願輅

九猷

黃輓

腐蠶

脊芮

莊子乾魚骨之沫爲斯彌注云斯彌是名也又曰斯彌爲食醯願輅生乎食醯黃輓况生九猷况脊肉生乎腐蠶俱蟲名也

青寧

青寧蟲名莊子羊奚比乎不筭久竹生青寧

蜀

詩蝟蝟者蜀說文蜀中蟲也从虫上目象蜀頭形中象其身蝟蝟爾雅翼云蠶百萬爲族蜀則獨行故以比獨宿者或作鳥各禽經云蜀不獨

宿爾雅山之獨亦名蜀

强

洪武正韻强米中蟲

勝髮

晏清

吳氏本草斑猫一名斑蚝一名龍蚝一名斑龍茵一名勝髮一名晏清本草經一名龍尾

元青

地膽

葛上亭長

本草經春食芫葉故名元青秋爲地膽黑頭赤尾秋食葛花故名葛上亭長吳氏本草地膽一

名元青圖經曰羌青所化也陶隱居曰真者出梁山狀如大馬蟻有小翼子偽者卽是斑猫所化狀如大荳大都治體略同

活師

活東

懸鈎

活師斗科也爾雅謂之活東急就注蝦蟇所生子也未成蝦蟇之時身及頭並圓而尾長漸乃變耳雀豹古今注一名懸鈎一曰玄針一名玄魚形圓有尾聞雷則尾脫脚生也

雲師

雨虎

遁甲開山圖霍山南岳雲師雨虎榮氏解曰雲師如蠶長五六寸有毛似兔雨虎長八九寸似蛭雲雨之時出在石上肉甘可食

僕纍

僕纍見山海經郭璞注蝸牛也

胥

撻末

莊子蝴蝶胥陸德明曰蝶一名胥古今注撻末蛺蝶也江東所呼色白背青者是也

砂接

砂接奴禾切子有毒殺飛禽走獸合射用用之人亦生取置枕令夫婦相好生砂石中作旋孔有蟲子如大荳背有刺倒行一名倒行狗子性好睡亦呼為睡蟲是處有之見陳藏器餘

鈞注

酉陽雜俎云竈無故自濕者赤蝦蟇名鈞注居之去則止

浙

浙浙蝗子見廣韻

螻蛄

白宿

諸乘

胡離

疋

淮南齊俗訓云夫蝦蟇為鶉水蠱為螻蛄皆生非其類惟聖人知其化注云螻蛄青蛉音予務直音云螻蛄蜻蜓蛄杜榮今蛄草蛄亦無著惟蛄是淺青色高誘曰蜻蜓小蟲四翅細腰一名白

宿陶隱居曰蜻蛉有五六種惟青色大眼一名諸乘俗為胡黎爾雅又名負勞古今注一名胡離小而赤者名赤卒一名絳騶方言雌蜻謂之

疋音祖

惡颯

惡颯見墨客揮犀如蟬形小而匾好隱屋壁及書策中前有兩長足如蟹螯觸後則旁行觸前則却行或為所螫不治殺人

旁不肯

旁不肯見東坡志林雍丘令米芾有書言縣有蟲食麥葉不食實既食其葉則實自病為害甚於蝗有小甲蟲見輒斷其腰而去俗謂之旁不

肯

留師

留師竹蜂也大如小指黑色嚙竹而窠見方言郭璞作笛師不知孰是

朝菌

朝菌不知晦朔見淮南子高誘云朝菌朝生暮死之蟲也生水土狀如蠶蛾一名孳母南海謂之蟲邪

紺幡

緝幡見古今注緝似蜻蜒而色玄緝遼東人呼爲緝幡亦曰童幡亦曰天雞好以七月羣飛暗天海邊夷貊食之謂海中青鰕化爲之也

益符

益符蟲類療閉一名無舌見本草

白萍

白萍見古今注魚子好羣泳水上名曰白萍

死冰

死冰白僵蠶也見輟耕錄藥譜云

子子

子子足如縷長一二分生洿水中好屈信水上見人泳去久則蛻爲蚊見爾雅翼

海舌

江賦云水母目蝦水母俗名海舌濛濛如沫有知識無耳目不知避人常有蝦依隨之蝦見人則驚此物亦隨之而沒以蝦爲目故云目蝦

范

范蜂也檀弓范則冠而蟬有綏注曰冠必乎綏

飾然蟬之綏非爲范之冠爲喙而已

### 服翼

服翼蝙蝠見爾雅注齊人呼爲蟻蠓

音熾

方言

謂之服翼春秋斗運樞云行失瑤光則伏翼兩頭並翽江淮山瀆之祠則瑤光明伏翼九足玄中記百歲伏翼色赤止則倒懸千歲伏翼色白得之壽萬歲陳思王賦曰蝙蝠行不由足飛不假翼明伏暗動盡是鼠形謂鳥不似二足爲毛飛而含齒巢不哺穀空不乳子不容毛羣斥逐

羽族下不踏陸上不憑木

### 雒由

雒由樗繭見爾雅食樗葉

### 戚施

詩燕婉之求得此戚施詩攷薛君曰戚施蟾蜍  
醜惡毛傳戚施不能仰者鄭箋戚施面柔下  
人以色故不能仰也戚施說文作醜醜

### 扁前

扁前主鼠瘦瘠利水道生山陵如牛畜翼赤見

本草

蒲錯

蒲錯詩疏釋蟲云輪天雞樊光云謂小蟲黑身赤頭一名莎雞李巡曰一名酸雞郭璞云一名樗鷄陸璣云莎鷄似蝗而斑色毛翅數重下翅正赤或謂之天鷄六月飛而振羽索索作聲幽州人謂之蒲錯也

黍民

古今注河內人見數十騎皆大於黍行來從朝

至暮家人以火燒之皆成蚊蚋馬皆成大蟻故  
蛟曰黍民

常羊

詩疏草蟲附螿郭璞曰常羊也陸璣曰小大長短如蝗也奇音青好在草茅中

郎巾

續博物志唐武德四年官市郎巾有疑爲狼筋者有老僧云貧道昔曾以一千於賈胡市得三枚狀如巨蛹兩頭光帶黃色涇帥段祐宅失銀



器十餘集奴婢環庭炙之蟲慄動有一女奴臉  
唇睜動乃竊器者

### 壓油

說儲蓋州有蟲曰壓油者形似水鳧每自春時  
從水出自呼其名入因而採取以重物壓之油  
卽津津油罄皮存投水復生蓋亦一種業報內  
典所謂壓油殃者是也

### 蜚沙

詩類考蟋蟀一名王孫一名蜻蜒一名蜚沙卽

今之促織

### 春箕

鄭箋螽斯揚雄許慎皆云春黍草木疏云幽州  
謂之春箕蝗類長而青長角長股股鳴者也方  
音江東呼爲虬宅蝻正義云或謂似蝗而小班  
黑其腹似瑇瑁又五月中以兩股相切作聲聞  
數十步是也

### 渠畧

詩蟋蟀掘閱爾雅蟋蟀渠畧似天牛而小角郭

璞曰似蝓蛭身狹而長有角黃黑色朝生暮死  
猪好食之疏曰南陽以東曰蝓蛭梁宋之間曰  
渠畧蝓蛭之蟲掘地而出皆鮮閱閱者悅憚之  
意陸幾云蝓蛭方語也通謂之渠畧似甲蟲有  
角六如指長三四寸甲下有翅能飛夏月陰雨  
時地中出爇火炙噉之美於蟬也

### 顛當

顛當王蚨蟪見爾雅鬼谷子謂蚨鬼金樓子謂  
之釣駱橐草木子曰顛當巢深如蚓穴網絲其

中土蓋與地平天榆如莢常仰杆其蓋伺蠅虻  
過輒翻蓋捕之纔入復閉與地一色並無絲隙  
可尋也其形似蜘蛛

### 度古

度古見草木子似書帶色類蚓長二尺餘首如  
鍤背上有黑黃欄稍觸則斷常赴蚓蚓不復動  
乃上蚓掩之良久蚓化惟腹泥如縊有毒雞喫  
輒死俗呼土蠱

### 濡需

莊子濡需者豕蝨是也擇疏鬣自以爲廣宮大  
囿奎蹄曲隈乳間股脚自以爲安室利處不知  
屠者之一旦鼓臂布草操烟火而已與豕俱集  
也

抱槍

抱槍水蟲也見酉陽雜俎形如蝓蛭稍大腹下  
有刺以槍如棘鍼螫人有毒

拘掇

拘掇者蟲生竈下其狀若脫名爲拘掇拘掇十

日爲鳥見莊子亦見列子

杜伯

詩義疏蠱一名杜伯河內謂之蚊幽州謂之蠖  
常爲蝸牛所食以迹規之不能去人以氣呵之  
亦不能動陶隱居謂有雌雄雄螫痛止一處雌  
者牽動諸處

馮功

魯仲連引古語馮功之蟲三斷不僵馮功蟲名  
墨子引作百足之蟲三斷不蹶

夏

夏小正夏之興五日翕望乃伏夏唐蝮也不知其生不知其死故曰興曰伏

巨擘

餘冬序錄云孟子所謂吾必以仲子為巨擘者蓋齊地有蟲類大蚯蚓人謂之巨擘善擘地以行巨擘即蚯蚓之大者孟子謂蚓而後充其操今注以為大指非也

嬰媿

神異經南方有蚊翼下有蜚蟲焉目明者見之每生九卵復未嘗有段音復成九子蜚而俱去蚊遂不知亦食人及百獸食者知言蟲小食人不去也此蟲既細小因曰細蟻陳章對齊桓公小蟲是也此蟲長春生以季夏藏于鹿耳中名嬰媿亦細小也

土宿

駱各

羅义

土宿大蜂駱各小蜂見周處風土記啗斷其翅使塘土以廣其室觀其穴口聚土多知其處貧

人掘其子煮而食之石藥爾雅蜂一名羅叉

闌胡

彈塗

闌胡見雨航雜記小如鰍而短大者如人指長三五寸頭有斑點如星潮退數千百跳擲塗泥中土人施小鈎取之一名彈塗以孟覆活者數百于地且發視之皆駢首拱北蓋亦朝斗之意玄修者忌食唐律賣鯉者賣蠶者皆杖六十蓋鯉朝斗蠶朝星食者皆有禍闌胡雖小亦有星故士人戒勿食

守宮

守宮蜥蜴也丹鉛錄云與龍通氣故能禱雨與蚪同形故能嘔泡陶隱居曰蝦蟇以朱砂飼之滿三斤殺乾末以塗女人身有交接事便脫不爾如赤誌故名守宮而蜥蜴亦名守宮殊難分別東方朔謂若非守宮則蜥蜴是也點臂說亦見淮南博物諸書

射工

說稽蟻射人者生於南方曰短狐故南越多蟻

淫女惑亂之所生也一名射工鴛鴦鸞鷖蟾蜍  
悉食之鮑照詩含沙射流影吹蠱痛行暉

泥

泥無骨虫也在水則活失水則醉如一塊故少  
陵詩先拚一飲醉如泥

沙噀

雨航雜記沙噀塊然一物如牛馬腸臟頭五六  
寸無目無皮骨但能蠕動觸之則縮小如桃栗  
徐復臃腫土人以沙盆揉去其涎腥雜五辣煮  
之脆美爲上味樂清名沙蒜

庶物異名疏卷三十目錄

鬼神部

兪兒

黔羸

大沉久湫

實沉

臺駘

鬱華

結隣

馮耳

諾臯

宋芾

萃

彷徨

委蛇

紫珍

清明

堪坏

福集

靈殖

併佞蘭郝

靈趙

推亡

脫光

遠望

跌踰

續長

狂章

曲張

臯通

藻廉

折丹

郝頡

苑窳

郵表綴

坊

水庸

高藜

宜楸

婆珊婆演底

弓陰

執明

龕生

挺濃

天陪

耳述

遼

迅

聶左

天進

憇

髮廷廷

張表

文申

碧空澄瀾

渙空維淳

寥靈振尋

肇咍精源

藏睦航延

江赫冲

秀文英

方道彰

陳華夫

孟婆

龍烟

拘制

案延昌

叔火玉

綠迴道

發紐

游光

例石圭

瓊

閃多

語忘

敬遺

釁毅

女夷

壽逸羣

覺元

虛監

冲龍玉

勇盧

玉壘

嬌女

始梁

通命

洩節樞

尺鳧

竈囟

桃康

伯強

頊天竺

甚遠

漸耳



四徽

族纍

施麋

佩阿

庶物異名疏卷三十

樵李陳懋仁無功著

鬼神部

兪兒

齊桓公北征孤竹有導馬前者長尺冠冕人物具焉管仲曰事必濟臣聞登山之神曰兪兒者長尺而人物具焉霸王之君而登山神見古之知味者亦名兪兒見莊子

黔羸

黔羸天上造化神名或曰水神遠遊曰召黔羸  
而見之今爲余先乎平路

大沉久湫

大沉久湫河神也秦惠王祀巫咸一曰詛楚

實沉

臺駘

實沉參神臺駘汾神見左傳

鬱華

結隣

鬱華赤支與日同居結隣黃支與月同居皆日  
月之神名見七聖記

馮耳

梁簡支船神記云船神名馮耳五行書云下船  
三拜三呼其名除百忌

諾臯

諾臯見酉陽雜俎唐乘言諾臯太陰將星神名  
言所志皆幽昧也又有支諾臯支者干支之支  
謂分類也

宋翬

宋翬雨師也見遁甲開山圖

嶽

嶽丘神名見山堂肆考

彷徨委蛇

彷徨至樂野之神名見南華經委蛇澤中神名

見山堂肆考

紫珍

紫珍鏡神名見類山

清明

廣雅金謂之清明

堪坏

堪坏莊注崑崙山神人面獸形

福集

福集麥神名

靈殖

靈殖姓藥樂豆神名

併佞蘭郝

併佞蘭郝黍神名

靈趙

庶物異名疏

卷三十一鬼神部

靈趙豆神七尺大目通於時節

推亡

推亡者天弓主司弓弩之張神名推亡俱見春秋佐助期

脫光

脫光刀子之神名

遠望

遠望弩之神名

跌蹠

跌蹠矛之神名

續長

續長箭之神名俱見太公兵法

狂章

狂章斧之神名

曲張

曲張弓之神名俱見龍魚河圖

臯通

臯通神人名治神弩一張一發殺三百人見水

庶物異名疏

卷三十鬼神部

經注

藻廉

藻廉水木之精也夏巢林冬潛水東方朔對漢武帝見幽冥錄

折丹

山海經大荒之中有山曰鞠陵于天日月所出各曰折丹處東極注折丹神人也

郝頡

郝頡漁獵方神各見居家必用

苑窳

舊漢儀今蠶神曰苑窳婦人寓氏公主凡二人

郵表綴坊

水庸

郵表綴坊水庸八蜡神之三見獨斷

高藜

高藜卯神太乙數云

宜楸

古之善睡者其神名宜楸見湧幢小品吳淵穎先生有竄宜楸文見紫桃軒又綴

婆珊婆演底

婆珊婆演底王夜神名持之夜行及寐可却恐怖惡夢

弓陰 執明

弓陰甲子日神名欲入水呼之河泊九千導引入水不溺執明甲戌神名呼之入火不燒見酉陽雜俎

龕生 挺膿 天陪 耳述

遼 迅 聶左 天灘

懋 髮廷廷

酉陽雜俎云太真科經說有鬼仙丙戌日鬼名龕生丙午日鬼名挺膿乙卯日鬼名天陪戊午日鬼名耳述壬戌日鬼名遼辛丑日鬼名迅乙酉日鬼名聶左丙辰日鬼名天灘辛卯日鬼名懋酉蟲鬼名髮廷廷

張表 文申

日姓張名表字長史月姓文名申字子光

碧空澄瀾

歲星姓碧空名澄瀾

渙空維淳

熒惑姓渙空名維淳

寥靈振尋

太百姓寥靈名振尋

肇咄精源

辰星姓肇咄名精源

藏睦眇延

鎮星姓藏睦名眇延

江赫冲 秀文英 方道彰 陳華夫

雷公江赫冲電母秀文英風伯方道彰兩師陳華夫俱見道經藝苑卮言云

孟婆

風神曰孟婆卮言云

龍烟

肝神名龍烟

拘制

九元之真男名拘制

庶物異名疏 卷三十鬼神部

案延昌

結中青氣君名案延昌

叔火玉

下玄元母名叔火玉字石迴光

綠迴道

九關魂名綠迴道字絕冥

發紐

司命精魂名發紐俱雲笈七籤

游光

游光厲鬼也夏至著五綵絲辟兵寇曰游光知其名者無溫疾見風俗通

例石圭

例石圭一曰屢蛇鬼名

瓊

瓊井鬼名俱見酉陽雜俎

閃多

翻譯名義云閃多此云鬼立世論云鬼道名閃多爲閻摩羅王名閃多故其生與王同類故名



閃多

語忘

敬遺

語忘敬遺二鬼名婦人臨產呼之不害人見升  
庵外集

釁毅

釁毅儼鬼名見升庵外集

女夷

花神名女夷乃魏夫人之弟子花姑亦花神

壽逸羣

壽逸羣嵩山神姓名呼之令人不病見書蕉

覺元

覺元腦神名一名精根字泥丸見道書

虛監

虛監目神名龍魚河圖又名映珠

冲龍玉

勇盧

玉壘

冲龍玉鼻神名一名勇盧見龍魚河圖一名玉  
壘見道書

嬌女

嬌女耳神名見真誥

始梁 通命

始梁舌神名一名通命見道書以上四名雜見及酉陽雜俎

洩節樞 尺鳧 竈囟

洩節樞尺鳧竈囟 一作見酉陽雜俎

桃康

桃康下丹田神名見黃庭經

伯強

伯強大厲鬼也見天問

項天竺

項天竺廁鬼名一名笙

甚遠

甚遠衣服鬼名俱見酉陽雜俎

漸耳

漸耳陰司鬼名元日書門可息瘡疾見酉陽雜俎又裴漸曰當今制鬼無如漸耳

四徽

藝海河酌云山水間見吏人名曰四徵呼其名  
卽吉

族纍 施糜

秦巫祠社主巫保族纍之屬荆巫祠堂下巫先  
司命施糜之屬注族纍二神名施糜主施糜粥  
之神

佩阿

佩阿筆神也

庶物異各疏 畢

男蓋謨恭對



